

مجموعه ابو الضرب

ماسوا شایسته شدن دل تطهیر چالش

بر تو حکمت و عرفان ایله تنویر آتش

هر ماه عربی ابتدا سیله اون بشنده نشر اولنور قنون مجموعه سیدر

جزو ۴۸ [۱۵ جمادی الآخر سنه ۱۳۰۲] نفیسی ۳ فروش

بشقه سی قرمزی، و بنم کری گوردیگم برجسی بر بشقه مکعب، بر بشقه سی
یغی، بر بشقه سی خیمی گورمدیگنی نه دن استدلال ایدلم ؟

بو تغیرلر یالکز دائما گورمکده اولدیغمز بر طاقم الوان اشکاله دلالت
ایدر. یوقسه بو الوان و اشکالک هر نظره نسبت بر عینیتده قالدیغنه الیه
هیچ بر برهان یوقدر.

مقدماتمیزک اکثرینی حافظه دن آیلورز. حافظه نیک ایسه مضبوطاتی
تغیر ایتمدیگنه نصل امین اوله ییلورز ؟

بونلردن بشقه واهمه انسانه هیچ یوقدن یوقدر هیاکل هائله گوستردیکی
و مدھش صدار ایشیتدیردیکی معلومز دکلمیدر ؟ یا خادمیلری بو حالده
اولان تمیزک وصول حقیقه اقتدارینی نه صورتله تسلیم ایلیلم ؟

کال

رآن ژاق روسونک فوئل الویزندن

اون ایکنجی مکتوب

(سن پرودن - ژولییه)

ژولیم ! مکتوبکیزک شیوه سادکیسی نه قدر رقت انگیزدر ! اوراده
بر روح عقیفک راحت و سکونی و عشق و محبتک تمنیات لطافت انگیزی نه
گوزل مشاهدده اولنیور ؟ افکارکیز زحمتسز کندیسینی اظهار ایدیور. بونلر
قبلر اوزرینه برتأثیر لطیف حاصل ایدیور که بونی بر شیوه مرتب هیچ بروقت
حاصل ایدمه من ایدی. اولیه بر طور سادکی ایله ارانه ایتمکده اولدیغکیز
دلایل و براهینک قوت و شدتی حس ایتمک ایچون بونلر اوزرینه خیلی آتاعاب
فکرایتمک لازمدر؛ وحشیات علویه سزه اولمرتبه آزرگان گلیورکه. انسان

بونلری افکار عادیه گئی تلقی ایتمگه مجبور اولیور . آه ! اوت ، قدر و طالعمری
تحت انتظامه آلق شبهه سز که سزه عائددر ؛ بونی یا بمقله سزه برحق ترک
ایتمیورم . سزدن بروظیفه طلب ایدیورم . حقهده عدالت و حقانیتگری
استحلاب ایدیورم و عقل و حکمتکزک بنمکی اوزرینه ایرات ایش اولدیغی
فلا کتدن طولانی تضمین اولمقلغم واجبه دندر . ایشته بودقیقه دن اعتباراً
نهایت عمرمه قدر آرزولریمک حکم و نفوذنی سزه تودیغ ایدیورم ؛ کندی
کندیسی ایچون لاشی حکمنده اولوب بتون و جودینک آنجق سزه مناسبتی
اولان برآدم گئی بی استخدام ایدیگز . حقهده هر نه صورتله امر بیورر ایسه گز
بیورک شبهه ایتیمکز که درعهده ایتیش اولدیغم تعهداتده ثابت قدم قالدیم .
یا دگزرده بوصورتله دهه زیاده کسب مقبولیت ایده جکم و یا خود سزدها
مسعود و بختیار اوله جقسکزر که هرایی جهتهده دخی اطاعتک مظهر جائزه
تقدیر اوله جفنی کمال امنیتله مشاهده ایتکدهیم . ایمدی سعادت مشترکه مزه
اعتنا وظیفه سنی سزه تودیغ ایدیورم ؛ سعادت ذاتیه گری حاصل ایتدیگزر
حالده هر ایتیمکز گکیده حاصل اولمش اوله جقدر . بکما گلنجه که نه بر دقیقه سزی
فراموش ونده لازم الغلبه تسبیحات حاصل ایتمسکزرین حقگزرده اجاله افکار
ایده بیلورم بوندن بویله یالگزر دوش اطاعتمه تحمیل ایتیش اولدیغکزر خصوصات
ایله اشتغال ایده جکم .

ایشته برسنه در که برلکده تحصیل علومه جهد ایدیورز بومدت
ظرفنده یالگزر غیر منتظم و تصادفی قرائتلا اجرا ایلدک بوایه استعدادیگری
تنویردن زیاده تجربه ایچون ایدی . بوندن ماعدا روحلریمز اولقدر تشویشات
ایله مالامال ایدیکه بزده هیچ بروقت سربستی فکر براقر ایدی . گوزلریمز
کتاب اوزرینه فنا بر صورتده عطف اولغش و آغز لریمز ایسه برطاقم الفاظ بیعنا
تلفظ ایتکده بولغش اولوب دقت دائماً مفقود ایدی . ذهناً اولقدر مشغول
اولیمان کچوک عمی زاده گز قلت ادرا کمزله بزى تعیب و بزه تقدّم ایشسنی
گیدیسنه سهولتله برشرف و اعتبار عد ایلر ایدی . حس اولغز صورتده

معلمدن عالم اولدی وهر نقدر مدعیاتی حقننده بعض دفعه متجاسر استهزا اولمش ایسه کده شمدی به قدر تحصیل ایتمش اولدیمز شیردن برنبذه معلوماتی بولنان حقیقت حالده یالکیز اودر .

ایمدی غیب اولان وقتدن (آه ژولی ، بویله حسن استعمال اولغش بروقت دها وارمیدر !) تلافی مافات ایچون برنوع اصول تصور ایتدمکه بواصول سایه سنده عدم دقتک علم و عرفان اوزرینه حاصل ایلدیگی خطایی تصحیح ایلسون . بونی سزه ارسال ایدیورم بعضاً برلکنده مطالعه ایدرز شمذیلک بوبابده بعض ملاحظات خفیفه سردیله اکتفا ایدرم .

اگر کندیمزی معلومات وسیعه ابراز یله تخمیل و کندیمزدن زیاده سائرلریچون احراز معلومات ایتک آرزوسنده بولغش اولسه یدق ای دلفریب محبهم ، اختراع ایلدیگم اصولک هیچ برقیقی اولمز ایدی ؛ زیرا بواصولدن مقصد چوق شیدن آزشی استخراج و بر جسم کتابخانه دن اوفق بر مجموعه استحصال ایتمکدر . علوم وفنون ، متوغللرینک اکثریسی عسندنه یالکیز بشقه لرینه تبلیغ اولندینی حالده سعادت حالک تر ایدینه خدمت ایدرک تجارتدن بشقه بر شینه یرامیان غایت مهم برسکه مقامنده تلقی اولنور . برینی ابراز معلومات شرفندن تجرید ایدیگز ، علم و عرفان آنک ایچون لاشی مشابه سنده قالور . بونلرک خجره مشغله لرینه ادخار ایدیشاری بالاخره اهالی به انتشار ایتک ایچون اولدینی گبی بشقه لری نظرنده عاقل و کامل گورنک ایستیوب اگر کندیلرینه حیران اوله جق آدم قالمدیغنی بیلسه لر تحصیل علومه ذره قدر اهمیت و برمز لر ایدی [۱] . بزه معلوماتدن استفاده ایتک ایستیورز بونلری تکرار صاتمق ایچون دکل فقط احتیاجاتمزه صالح برصورت ارجاع ، ونه ده بونکله کندیمزی بهوده محمیل ایچون اولیوب فقط کندیمزی اتفاق ایچون

[۱] حتی (سه نق) ییله بو وادیده بیان افکار ایلیدرک « اگر علوم وفنون شهر ایدلمات شرطیله اعطا اولنسه قبول ایتز ایدم » دیر . ای حکمیات عالیله ایشته صورت استعمالک بودر ! مؤلفه

ادخار ایدیورز . آز اوقومق و اوقود یغز شیلر حقنده چوق صرف ذهن ایتک و یاخود اولباده یئغزده چوق مداوله افکار ایتک بونلری گوزل حضم ایتمهك واسطه سیدر . بن شویله تفکر ایدیورم که ادراك ملاحظه و تفکر اعتیادیه کسب کشایش اینجه کتابلرده بولنه بیله جک شیلری انسان کندیسی بولق هر حالده اولادرکه بونلری ذهنده گوزلجه تقلیب ایدرك کندیسه مال ایدمهك سر صحیحی بودر : بونلری بزه اعطا اولندیغی گبی اخذ وتلقى ایتک همان دائماً بزه یرامیان بر شکل و صورتده قبول ایتک دیمکدر . (مونتی) نام فیلسوف « طغزدن زیاده ممتولز فقط بزه استقرار واستعانه و اموال ذاتیه مزدن زیاده بشقه لرك اموالی استعمال ایتککلی تعلیم ایدیورلرکه مقادیراً ادخا رایلدیگمز جهتله هیچ بر شیئه طوقغغه جراً تیاب اوله میورز : بز شول ممسکله بگزررکه یالکزر جوبات انبارلرینک املاسنی دوشونوب غنا اینجده اثر جوعدن ترك حیات ایدرلر . » دیر .

اعتراف ایدرمکه بواصول بر چوق ذوات حقنده موجب مضرت اولوب بونلرك ذکالری فنا بر صورتده ترتیب اولندیغی اجلدن چوق اوقوبوب آز تفکر ایتکه احتیاجلری مسلم و کندی محصوللری قدر فنا برشی دهها بولق متصور دکدر . بن سزه بونک بالکلیه عکسنی توصیه ایدرم . سزه که قراشلیکزر اینجه بونلرده بولدیغکزر شیلردن دهها ایوسنی ادخال و عقل فعالکزر اوقودیغکزر کتاب اوزرینه اکثراً بردهها ایوسنی ترتیب و تألیف ایدر . ایدی افکارمزی تعاطی ایده جکر : بن سائرلرك افکارینی سزه افاده و سزده ینه او موضوع اوزرینه افکار ذاتیه گزی بکا بیان ایده جکسکزرکه بوضورتله درسدن چوق دفعه ل سزدن دهها معلوماتی اولدیغ حالده حقیققلغم مقرر در . نقدر آز قرائت ایدیلورسه قرائت ایدیلان شیئی ده اولقدر اینی انتخاب ایتک لازم گلوب بونکده سبی شودر : تحصیل علم مجاهدلرینک الکیوک خطالری بالاده بیان ایتدیکم مثللو مغالطات موجوده اینجده بزى الکی از تغلیط ایدن عقل و حکمت ذاتیه من اولدیغنی دوشمیهرك کتابلرینه زیاده اعتماد ایتلری و سرمایه

ذاتیلرندن هیچ برشی استخراج ایتمایلدیر . انسان کندی باطننه دخول
ایتمکی آرزو ایدر ایتمز هر کس خیر وحسنی حس و تقریق ایدر . نه برینی
ونده دیگرینی سائرلرک تعلیمایله تقریق احتیاجز اولیوب انسان بوباید نه قدر
کسب اعتماد ایتمک ایسترایسه اولقدر اعتماد ایدر . لکن کمال خیر و کمال
حسن مثاللری دهها زیاده نادر و دهها آز معلومدر که بونلری بزدن اوزاقد
آرامق لازمدر . کبر و غرور قوای طبیعییه ضعیفتر اوزرینه مساحه ایده گلد .
یگندن نفسمزده حس ایتمدیکمز اوصافی بزه خیالی گبی ارائه ایدر . تکاسل
ومساوی اشبو ادعا اولنان عدم امکان اوزرینه استناد ایدر . و هرگون مشاهده سی
ممکن اولیان شیلرک ضعیف آدم هیچ بروقت مشاهده سی قابل اولدیغنی ادعا
ایدر . ایسته تخریبی اقتضا ایدن خطا بودر . کندیلرینی عدم تقلیده خادم
هر بروسیله دن تجردمن ضمنده حس و مشاهده سنه کسب اعتیاد اقتضا ایدن
اشیای علویه ایسته بونلردر .

بوامثلہ علویہ نك تماشا سیله روح تعالی وقاب اشتعال ایدر . انسان
بونلری ملاحظه و تقدیر قوتیه بونلره کسب مشابہت چاره سنک تخریسنه ابتدار
ایدرک بر نفرت شدیدیه حس ایتمکسزین هیچ بر صورتله افعال عادییه
تخمل ایده مز .

ایمدی کندی باطنمزده دهها امین بر صورتده بوله بیله جگمز قواعد
واصولی کتب و رسائلده تفحصه شتابان اولیم . فیلسوفلرک فضیلت وسعادت
حقننده کی محادلات بهوده لرینی کندیلرینه ترك ایله بونلرک خیر خواه و مسعود
اولمقلرک چاره سنی تخریده ضایع ایلدکلری وقتی بز خیر خواه و مسعود اولمق
ایچون استعمال ایدم . بر طاقم قواعد بهوده تعقیبندن ایسه امثلہ علوییه
تقلیده غیرت ایدم .

بن دائما خیر موقع فعل و عمله قولنش بر حسندن عبارت اولوب یکد .
یگرینه ناقابل انفکاک بر صورتده ممتزج اولدیغنی و هر ایکسنک منبعاری دخی
بر طبیعت منتظمده مشترک ایدوکی ادعا سننده بولنمشدر . بوفکر دن شو

استنتاج اولئورکه ذوق آشنایی عقل و حکمتک اکتساب مکملیتی و سائطیه کسب مکملیت ایدوب لذائذ فضائی لایقیله حس ایدن بر روح بر صورت متناسبه سائر بالجهله محاسندن دخی محسوس اولور . انسان حس ابتدگی کبی کورمکه اعتیاد ایدر ودها طوغریسی بر قوه باصره نفیسه بر حس رقیق و دقیقدن بشقه برشی دکلدر . ایسته بو وجهله بر رسم بر لوحه نفیسه اوکنده عادی بر سیرچینک دقت بیله ایده میه جگی شیلره مفتون اولور . نه قدر شیلر واردرکه یالکز حس ایله مشاهده اولنوب سرینه واقف اولق ممکن دکلدر ! نیجه بیلدیکمز شیلر موجوددرکه آنلرک میرانی یالکز ذوق آشناییدر .

ذوق آشنایی قوه محاکمه نك بر نوع خرده بینی اولوب اشیای صغیره بونک واساطیله مشاهده ایدیلرک قوه محاکمه وظائفی زده ختام بولور ایسه بونک وظائفیده اوراده ابتدا ایدر . بونی تیار و اصلاح ایتک ایچون نه یامق لازمدر ؟ حس اولندینی کبی کورمکه تعلیم و خیر حس طریقیه محاکمه ایدلدیگی کی حسینده تقییش طریقیه محاکمه ایتکدر .

خیر، ادعا ایدر مکه ژولینک بر منظره بگانه سیله متأثر اولق هر قلبه میسر دکلدر . ایسته دلفریب شا کردم بتون تحصیلگری کتب نفیسه و خلقیه به انحصار ایدشتمک سبی بودر ایسته اصول متخذه می کاملاً امثله به قلب ایدرک تعریف فضیلت اولق اوزره جدول فضیلتندانی و این یازمق ایچون این یازمق کتابلری اعطا ایدشتمک حکمتی بودر . سابقا اوقود یغز کتابلرک عددینی تنقیص ایتدیگمدن طولانی دوچار حیرت اولمایکمز؛ بونلر نافع قیلمق ایچون تحدید ایدملری لزومنه ایوجه کسب قناعت ایتشمدر . و هرگون دها این مشاهده ایدیورمکه روحه اجرای تأثیر ایتیمان شیلر سزی اشغاله نالایقدرلر . درس جدولنزدن السنه بی طی ایدوب فقط سووب ایتدیگمز ایتالیانجه بی بقا ایده جگر علم جبر ایله هندسه بی علی حاله ترک ایله سزه تدارک ایتدیگی تعیرات بنده جسارت براقش اولسهیدی علم حکمتدن دخی صرف نظر ایده جک ایدم . بوندن بویه الی الابد مملکتزک

تاریخی مستثنا اولمق اوزره تاریخ قرون جدیدینی ترک ایده جگر بونگده سببی
 مملکتیزک ساده بسیط بر مملکت اولوب شو بولند یغز قرنده قرون اخیر
 آدمیرینه تصادف ایدمک ممکن اولمسیدر : زیرا که منفعتلو تاریخ انسانک کندی
 مملکتک تاریخ اولدینی خصوصنه اعتماد جائز اولیوب بوحال صرف مغایر
 صحتدر. بعض مملکتلر موجود در که انسان یا مراحه حی و یا خود بی شعور اولمده
 تاریخلرینی مطالعه ایده مز. انک نافع تاریخ، اینجده انک زیاده اخلاقه متعلق
 متنوع مثاللر اولان والحاصل انک زیاده معلومات بولسان تاریخدر. برطاقم
 آدمیر قرون اولیه ده اولدینی گبی بتون بوشیلرک زمانزده دخی وجودینی
 ادعا ایده جک ایسه لرده بوده مقارن صحت دگلدیر. تاریخلرینی آچوب بونلری
 اسکات ایدیگز. بعض بی شکل اقوام وارد که تصویر بی فائده
 و بعض بی مسلک حکومات وارد که بونلر ایچون وقعه نویسان بیلزوم اولوب
 بوراده بر انسانک اشغال ایلدیگی موقع بیلنور بیلنر نه یاپوب ایشلیه جگی
 دخی معلوم اولور. بونلرانی وقعه نویسانک فقدانندن شکایت ایدرلر
 فقط سببی سؤال ایدک. چونکه بوده صحیح دگلدیر. انی وقعه نویسانه
 مواد لازمه تدارک ایدک اولخالده انی وقعه نویسان بولنور. والحاصل بونلر
 هر زمانک آدملری یکدیگره مشابه اولدینی و بونلرک فضائل و مساویسنه مالک
 بولند قیلرینی وقدمه حقننده اظهار حیرت ایدیلشی بونلرک قدمالغندن نشأت
 ایلدیکنی دخی ادعا ایدرلر. بوده صحیح دگلدیر : زیرا مقدملری وسائط
 جزئیه ایله امور جسمیه اجرا و حالبوکه زمانزده بونک بالکلیه عکسی ایفا
 قلمقدده در. قدما وقعه نویسانک هم عصری بولمغله برابر بونلره مفتون اولمغی
 بزه تعلیم ایتدیلر. فی الحقیقه اگر اخلاف افعال واقوالمزه حیران اوله حق
 اولور ایسه بونی بزدن اوکر نمش اولیه جقلردر. گوچک عمی زاده گره
 حرمة بر شیوه وسطیده یازلمش و مطالعه لری ایچون سزده رخصت اعطا ایتیه حکم
 آشکار بولنمش اولان بعض کتابلر براقدم (پتراق) (ناس) و (متاقساس)
 ایله فرانسوی تاروسی معلمین ائارندن ماعد اقا دینلره تخصیصی عادت حکمنه کیرمش

اولان کتابلر میانہ اشعار و رومانلر قاریش دیرمیه جغم . بو کتابلردن عشق و محبتہ دائرنہ اوکرنہ جگر ؟ آہ ! زولی گو گلریمز بزه انلردن زیاده سویلیورلر وکتا . بارک لسان مرتبی بر عاشق حقیقی ایچون حقیقہ پک صغوقدر .

بوندن ماعدا بوقراشلر روحی ضعفہ دوجار ورخاوت و سفاهتہ غرق ایدرک قوت و تأثیردن تجرید ایدر . بالعکس عشق حقیقی بر آتش سوزان مہلکدرکہ شدتی حسیات سائرہیہ دخی ایصال ایدرک بونلری بر قوت جدیدہ ایله احیا ایدر . ایستہ عشق و علاقہ قہرمان تولید ایتدیگی ، قولی بوندن نشئت ایتشددر . ایمدی مسعوددر اول کیسه کہ قدر و طالع عشق و علاقہیہ دوجار ایدوب (زولی) بیدہ کندیسنه معشوقہ اولق اوزرہ اعطا ایدر .

مجالس عمومیہ رهبانیہ نک مقرراتی

[مابعد وختای]

۱۱۲۲ و ۲۳ سنہ لرنده ایکنجی فالیکست نام پاپانک دعوتی اوزرینہ رومادہ بر مجلس رهبان انعقاد و [سن ژان دولاتران] کلیسا سنده اجتماع ایتلشددر . رومادہ پاپانک دعوتی اوزرینہ اجتماع ایدن ایلاک مجلس بو اولشددر . چونکہ او شانده غرب ایمپراطورلرینک نفوذی قالماش و شرق ایمپراطورلری دخی اسلامک و اهل صلیبک ہجومات متوالیہ سیلہ دوجار ضعف و فتور اولمش ایدی .

بو مجلسدہ پستقوپوسلر راہلردن شکایت و رهبانک برچوق املاک و اموالہ مالک اولدقلرینی بیان ایلہ اظهار نفرت ایلدیلر .

۱۱۳۹ سنہ میلادیہ سنده ینہ رومادہ لاتران کلیسا سنده پاپا ایکنجی اینوسانک دعوتی اوزرینہ بر مجلس دہا عقد اولمش و کلیسایہ عائد اولان اعشارک (حق اللہ) اولدیغنی سردایلہ ہیئت روحانیہیہ منسوب اولدیغنی خالدہ کلیسایہ عائد املاکی ید تصرفہ کچیرمش اولان اشخاصدن املاک مذکورہ ننگ استردادینہ قرار ویرلشددر .

برروایتہ نظراً بو مجلسدہ بیٹ نفر راہب حاضر بولمشدر .